



17. Juni 2026

UPA2026/77

**Siunissaq qaninneq eqqarsaatigalugu qaleraleqarfik Sermiligaap piorsaaviginissaa pillugu oqallisissiatut siunnersuut**

(Inatsisartunut ilaasortaq Gerth Mikaelen, Naleraq)

Inatsisartunut ilaasortap Gerth Mikaelen Naleraq apeqquteqaat aallaavigalugu oqallittoqarnissaanut siunnersuutaanut imaattumik Siumumiit oqaaseqassuugut.

Siumumiit Tunut ineriartortinneqarnera politikikkut pingaarutilittut isigalugu sammisassaavoq. Ukiorpasuarnera eqqartugarisimavarput Tunup imartaani pisuussutit uumassusillit Tunumi innuttaasunut annertunerujussuarmik iluaqutaalernissaat.

Taamaattumik Siumumiit nuannaarutigaarput ukiuni kingullerni Tunumi aalisarnerup iluani annertunerujartortumik ingerlatsisoqalersimanagera. Misilittakkat ersarissumik takutippaat aalisartut piuumassuseqarnerat soqutiginninnerallu annertuujuusoq. Aammalu ineriartortitsinissamut periarfissaqarnera takuneqarluni ingerlatsivigerusunneqartoq.

Sermiligaaq pillugu eqqartuigaagatta oqaatigiuartarparput sumiiffik aalisarnikkut periarfissarissaarfiusoq, innuttaasut tunniusimasut aammalu najukkami inuussutissarsiornermik ineriartortitsinissamik kissaateqarfiusoq pillugu eqqartueqatigiittarpugut.

Taamaattumik Siumumiit ilalerparput Sermiligaaq qaleraleqarnikkut aalisarnermi periarfissarujussuarmik peqartoq.

Peqatigisaanillu isumaqarpugut aalisarnerup ineriartortinneqarnera pisassiissutinut aalisarnermullu taamaallaat tunnganittoq. Aammali inuussutussarsiuutip pisariaqartitaanik tunngasuusoq. Tassa aalisarnerup annertunerusuumik ineriartortinneqassapput tunitsivinnik pilersitsinissamut periarfissat aalisarnerup ineriartortinnera malillugu ingerlaavartumik nalilersorneqartuarnissaa.

Sapaatip akunnera kingulleq Siumumiit oqallittoqarnissaa siunertaralugu maani qaqitsinitsinni erseqqissaatigisatsinnut ilaavoq Tunumi tamarmi aalisarnermut siuarsaanissami attaveqaasersuutit nukittorsarneqarnissaat pisariaqartoq. Tamanna tunitsivinnut, nillartaartitsivinnut qerititsivinnullu, assartuinermi periarfissanut aammalu atortulersuutit pisariaqartinneqartunut aamma atuuppoq.

Atortulersuutinut nutaanut sanaartukkanullu aningaasaliinerit, aalisarnerup annertussusaa, pisuussutit qanoq inissisimanagerat, ingerlatsinissamut periarfissat aammalu aningaasaqarnikkut isigisat piviusorsiornermik nalilersorneqarsimanissaanik tunngaveqarnissaaq aamma pingaartuuvoq.

Taamaamat nalakkersuisut Tunumi ineriartortitsinermut pilersaaruteqarnerup aallartinneraniit naatsorsuutigisamiit ineriartorneq sukkanerusoq. Tamanna Siumumiit soorunami paasillugu nuannaarutigisorujussuarput.



Ineriartortitsinissamummi pilersaarummi Sermiligaarmiut oqaloqatigiinnerni peqataatsinneqartarsimmata Tunumi aalisarnikkut angusat maannamut pitsanngoriartortut isumallualersitsimmata oqaatigisariaqarpoq.

Naggaatigut Siumumiit Tunu tamaat isigialugu aalisarnikkut siursaanissamik siunertaqarluni apeqquteqaat aallaavigalugu oqallinnissamik siunnersuuteqarnitsinni oqaaseqaatigisagut ilanngullugit oqallinnissamut uunga innersuussutigaagut.

Oqallisissiaqartorlu Gerth Mikaelen qujanaq, neriuppugut oqallinneq manna siunnerfilimmik oqalliffiussasoq.

Qujanaq.

Jess Svane SIUMUT